



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Concilium Romanum I. Centum Et Amplius Episcoporum occasione Petri Florentini episcopi de haeresi & simonia accusati aduersus simoniacos celebratum anno Domini MLXIII. tempore Alexandri papae II.

urn:nbn:de:hbz:466:1-15625

*Vltio diuina, populi Cadaloe ruina,
Te manet, vt diro medium transfuerberet ictu.
Altipetax Simonem sequeris Simon astra petentem?
Te quoque Tartareus simul absorbebit hiatus.*

ANNO
CHRISTI
1062.

CONCILIVM ARAGONIÆ
IN HISPANIA ANNO CHRISTI MLXII
celebratum tempore Alexandri papæ II.

NOTA.

Tempus & ^a *Concilium.*] Septimo Kalendas Iulii in Hispania apud sanctum
acta Con- Ioannem Rupensem sub Ramiro rege est celebratum Concilium,
ciliu. multique episcopi in eodem congregati fuerunt. Quid autem in
eodem statutum sit, nihil reperimus, nisi vt Aragonii episcopi fu-
merentur ex monasterio sancti Ioannis, quod antea per regem San-
cium fuerat institutum. De huius institutione Concilii habentur
acta in commentariis rerum Aragonensium apud Hieronymum
Blacam, quæ incipiunt: *Residente glorioso principe*, &c. Vid eBaro-
nium anno 1062. numero 120.

CONCILIVM ROMANVM I.
CENTVM ET AMPLIVS EPISCOPORVM
occasione Petri Florentini episcopi de hæresi & simo-
nia accusati aduersus simoniacos celebratum anno Do-
mini MLXIII. tempore Alexandri papæ II.

ANNO
CHRISTI
1063.

*Alexander episcopus seruus seruorum Dei omnibus episcopis
catholicis, cunctoque clero & populo, salutem
& apostolicam benedictionem.*

VIGILANTIA vniuersalis ecclesiæ regiminis assiduam
solicitudinem debentes omnibus quæ in Constanti-
niana Synodo nuper celebrata coram centum amplius
episcopis, licet nobis immeritis præsentibus, sunt cano-
nice instituta, vobis notificare curamus, quia ad salutem
vestram executores eorum vos esse optamus, & apostoli-
ca auctoritate iubendo mandamus.

CAPITVLA.

I.

Primo namque inspectore Deo, sicut a sancto papa
Leone,

ANNO
 CHRISTI
 1065.

Leone & a sanctæ memoriæ papa Nicolao primum statutum est, Erga simoniacos nullam misericordiam in dignitate seruanda habendam esse decernimus; sed iuxta Canonum sanctiones & decreta sanctorum patrum, eos omnino damnamus, ac in ecclesia non præesse apostolica auctoritate sancimus.

Cap. Erga
 simonia-
 cos. 1.
 quat. 1.

I I.

De his autem qui non per pecuniam, sed gratis sunt a simoniacis ordinati, quia quæsitæ iam a longo tempore diutius ventilata est quæstio, omnem nodum dubietatis absoluius, ita ut super hoc capitulo neminem deinceps ambigere permittamus. Quia igitur vsque adeo hæc venenata pernicies hæctenus inoleuit, ut vix qualibet ecclesia valeat reperiri quæ hoc morbo non sit aliqua ex parte corrupta; eos qui vsque modo gratis sunt a simoniacis ordinati, non tam obtentu iustitiæ, quam intuitu misericordiæ, in acceptis ordinibus manere permittimus, nisi forte alia culpa ex vita eorum secundum Canones eis obsistat. Tanta quippe talium multitudo est, ut dum rigorem canonici vigoris super eos seruare non possumus, necesse sit ut dispensatione ad piæ condescensionis studium nostros animos ad præsens inclinemus. Ita tamen, ut auctoritate sanctorum apostolorum Petri & Pauli omnimodis interdica- mus, ne aliquis successorum nostrorum ex hac nostra permissione regulam sibi, vel alicui sumat, vel præfigat: quia non hanc aliquis antiquorum patrum iubendo aut concedendo promulgauit, sed temporis nimia necessitas permittendo a nobis extorsit. De cetero autem statuimus, ut si quis in posterum ab eo, quem simoniacum esse non dubitat, se consecrari permiserit; & consecrator & consecratus non disparem damnationis sententiam subeant, ut vterque depositus agat pœnitentiam, & priuatus ab ea, propria dignitate persistat.

Cap. Lo-
 catur. 1.
 quat. 1.

III.

Præter hæc autem præcipiendo mandamus, ut nullus Missam audeat presbyteri, quem scit concubinam indubitanter habere, vel subintroducendam mulierem. Vnde sancta Synodus hæc a capite sub excommunicatione statuit, dicens: Quicumque sacerdos vel diaconus post constitutum beatæ memoriæ prædecessoris nostri sanctissimi

Cap. Pro-
 pter hoc
 mandamus.
 dist. 32.

Concil. Tom. 25.

Pppp

papæ Leonis, aut Nicolai de castitate clericorum, concubinam duxerit palam, vel ductam non reliquerit, ex parte omnipotentis Dei, & auctoritate apostolorum Petri & Pauli præcipimus, & omnino *interdicimus, vt non cantet Missam, neque euangelium, neque epistolam ad Missam legat, neque in presbyterio ad diuina officia cum his, qui præfatæ constitutioni obedientes fuerint, maneat, neque partem ab ecclesia suscipiat.

ANNO
CHRISTI
1063.*contra-
dicimus,

IV.

Cap. eodem. §. Præcipientes.

Et præcipientes statuimus, vt hi prædictorum ordinum, qui iisdem prædecessoribus nostris obedientes castitatem seruauerint, iuxta ecclesiam, quibus ordinati sunt, sicut oportet religiosos clericos, simul manducant & dormiant, & quidquid eis ab ecclesia competit communiter habeant. Et rogantes monemus, vt ad apostolicam communem vitam summopere peruenire studeant, quatenus perfectionem cum his consecuti, qui centesimo fructu ditantur, in cælesti patria mereantur adscribi.

V.

Cap. eodem in fine.

Vt decimæ, primitiæ, seu oblationes viuorum & mortuorum, reddantur a laicis, & in dispositione episcoporum sint, quas qui tenuerit, a sanctæ ecclesiæ separetur communione.

VI.

Cap. Per laicos. 16. quæst. 7.

Vt per laicos nullo modo quilibet clericus aut presbyter obtineat ecclesiam nec gratis nec precio.

VII.

Cap. Eodem. 16. quæst. eadem.

Nec aliquis presbyter duas ecclesias obtineat.

VIII.

Vt per simoniacam hæresim nemo ordinetur, vel promoueatur ad quodlibet officium ecclesiasticum, neque ecclesiis præficiatur.

IX.

33. quæst. 20. cap. 17.

Et vt de consanguinitate sua nullus vxorem ducat, vsque ad septimam generationem, vel quousque parentela cognosci poterit. Quod prius a Nicolao II. statutum fuit.

X.

Cap. eodem.

Et vt laicus vxorem simul habens & concubinam non communicet ecclesiæ.

ANNO
CHRISTI
1063.

XI.

Vt nullus habitum monachalem suscipiat, spem aut promissionem habens vt abbas fiat.

Cap. Pet
laicos. 16.
quest. 7.

XII.

Vt nullus laicus ad quemlibet gradum ecclesiasticum repente promoueatur, nisi prius, mutato habitu sæculari, diuina consecratione inter clericos fuerit comprobatus. Vos ergo hæc & alia sanctorum patrum statuta fideliter & Christiana reuerentia obseruate, si vultis sanctæ ecclesiæ Romanæ & apostolicæ sedis pace & communionem atque benedictionem & absolutionem gaudere. Valet.

NOTA.

* Concilium.] Hæc de his quæ in Concilio sunt statuta summam Alexander vniuersæ ecclesiæ. Quod autem spectat ad quartum Canonem, quo decernitur, Vt clerici simul manducent & dormiant, bonaque in communi possideant, scias id factum suggestionem Petri Damiani, scriptis suis Alexandrum pontificem ad hæc sancienda rogantis. Extant adhuc ipsæ literæ quibus iste præponitur titulus: *Vt canonicis, a quibus in congregatione viuunt, proprietatis habenda licentia denegetur.* Deinde: *Domno Alexandro beatissimo papa Petrus peccator monachus seruitutem. Quantum ad nostræ intelligentiæ modulum, nullum in humano genere malum perniciosius est criminis, quam defensio proprietatis, &c.* Prolixior est disputatio in sæpius citato codice bibliothecæ sancti Petri in Vaticano. Non de monachis, sed de clericis huiusmodi est sancitus Canon: at nec de omnibus clericis, sed his qui collegiatis seruirent ecclesiis, quos frequentiore vsu canonicos appellare consueuimus, ob id scilicet, quod hisce tenerentur Canonibus obligati, ad quorum præscriptum vitam ducerent clericalem in omnibus regularem, nihil sibi proprium vendicantem. Ad finem vero proluxioris disputationis, aduersus proprietarios clericos instituta, Petrus ita perorat, dicens: *Verumtamen vt hæc apud inobedientium clericorum, imo nummicularum rebellionem efficaciter valeant, sancti apostolatus vestri vigor impellat.* Quod dicti superius Canonis sanctione factum audisti. In hoc eodem Concilio Canon ille de celebratione Missarum ab eodem Alexandro sancitus esse putatur, qui recitatur a Gratiano verbis istis: *Sufficit sacerdoti vnâ Missam in die vno celebrare, quia Christus semel passus & totum mundum redemit. Non modica res est vnâ Missam facere, & valde felix est qui vnâ digne celebrare potest. Quidam tamen vnâ faciunt pro defunctis, & alteram de die, si necesse fuerit. Qui vero pro pecuniis siue adulationibus sæcularium vnâ die præsumit facere plures Missas, non estimo euadere damnationem.* Hæc ibi. Cogendæ Synodi occasionem præbuit Petrus Florentinus episcopus, qui a clero populoque Florentino per literas, quas recitat Baronius, de simonia & hæresi accusatus, episcopali honore priuatus est. Hæc ex actis S. Ioannis Gualberti apud Surium Baronius anno prædicto.

Petrus pro
vita com-
muni cano-
nicorum
apud Ale-
xandrum
papam la-
borauit.

Cap. Suffi-
cit. de con-
secratione,
dist. 1.

* alias
oblationi-
bus

Concil. Tom. 25.

Pppp ij